



Inatsisartuni ilaasortaq, Malik Berthelsen, Siumut  
-/Maani

**Mittarfeqarfiit akigititaat pillugit § 37 naapertorlugu apeqqummut nr. 2012-035-  
imut akissuteqaat**

13. februar 2012  
Sagsnr. 2012-061061  
Dok. Nr. 824484

Aallarniutigalugu Inatsisartuni ilaasortaq Malik Berthelsen Mittarfeqarfiit akigititaat pillugit  
apeqquteqarneranut qutsavigerusuppara. Apeqqutitit matuma kinguliani tullerillugit  
akineqarput.

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: [iaan@nanoq.gl](mailto:iaan@nanoq.gl)  
[www.nanoq.gl](http://www.nanoq.gl)

**Naalakkersuisut qanoq akitsuusersuinermit tunngatillugu politikeqarpat, uani  
eqqarsaatigalugu mittarfeqarfinniit akitsuutit annertussusiliisimanerinit  
tunngasoq?**

**Akissut**

Mittarfinnut akitsuutinit tunngatillugu Naalakkersuisut politikkianni, Mittarfeqarfiit  
suliffeqarfittut imminut ingerlattutut akitsuutinik (ilaatigut tinginermut akitsuutit aamma  
ilaasunut akitsuutit tassunga ilanngullugit) akiliisitsisarnikkut isertitatigut  
tunngavigisaminnik sapinngisamik annertunerpaamik qulakkeerisarnissaat  
tunngavigineqarpoq. Taamaaliornikkut ilaasut isumannaatsumik, aammalu pissutsit  
amerlanerpaat tunngavigalugit Kalaallit Nunaanni mittarfinnut 13-iusunut, heliportinut  
arfinilinnut aamma helistoppinut 40-nut taakkunangaanniillu angalasinnaanissaat  
ajornarunnaarsinniarnaqarpoq.

Kalaallit Nunaat nunarujussuuvog siammasissuniittunik inoqartoq, aammalu silap  
pissusaatigut imaannaanngitsunik atugaqarfiusartoq. Tamatuma nassatarisaanik  
silaannakkut angallassinermi attaveqaatit annertuumik pisariaqartinneqarput, aammalu  
attaveqaatit taakku ingerlanneranut aserfallatsaalinerinullu isumalluutit annertuut  
atorneqartussaapput. Ilaasartut ingerlatsinermut tassunga akiliisussat  
amerlassutsimikkut killeqartorujussuunerat mittarfinnut akitsuutitigut erserpoq, taakkulu  
amerlasuutitigut sumiiffinnut inuttunerusunut pissutsinillu annikinnerusunik  
pisariaqartitsiviusunut naleqqjullutik amerlanerusarput.

Avataaniit sullissisut, ilaatigut aatsitassarsiormik inuussutissarsiuteqartut siunissami  
qanoq iliorluni Mittarfeqarfiit ingerlatsinermut aningaasartuutaannut annertunerusunik  
akiliisinneqarsinnaanersut Mittarfeqarfiit misissuullutik aallartitsissimapput. Tamanna  
assersuutigalugu angallavinni attartortitsillunilu angallassinereit akomanni akinik  
assigiinngitsunik atuutsitsilernikkut anguneqarsinnaavoq.

**Ukiuni kingullerni Mittarfeqarfinniit bilitsit akiinut akitsuusersuinerit ima annertusiartorsimatigaat Air Greenlandip bilitsinik akikilliliisimagaluarnera atuisartunit malugineerulluni, suna akitsuutinik annertusinermut tunngaveqarpa?**

**Akissut**

Apeqqutivit aappaani ukiuni kingullerni mittarfinnut akitsuutit annertuumik qaffassimanagerat innersuussutigaat.

Matuma siuliani oqaatigineqartutut akitsuutinik akiliisitsisarnikkut Mittarfeqarfiit isertitaqartarput. Tamatuma nassatarisaanik mittarfinni suliat annertusiartortillugit Mittarfeqarfiit isertitaat annertusiartortarput. 2009-mi nunarsuarmi aningaasakilliornerup nassatarisaanik suliat 2008-mut sanilliullutik apparujussuarput. Tamatuma kingunerisaanik 2010-mi Mittarfeqarfiit akigititaat iluarsineqartariaqalerput. Tamanna ilaatigut ukiup qanoq ilinerani akitsuutit annertussutsimikkut allanngorartinnerisigut anguneqarpoq, taamaalillunilu aasaanerani akitsuutit qaffatsinneqarput ukiuuneranilu appartinneqarlutik. 2011-mi Mittarfeqarfiit akigititaat taamaallaat atuisunut akiusut qaffasissusaannut iluarsineqarput.

Neriuppunga matuma siuliani akissutiga naammagisimassagissi.

Inussiamersumik inuulluaqqusillunga

Jens B. Frederiksen